

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0061935 24  
Zenica, 05.02.2025. godine

OPĆINSKOM SUDU U KAKNJU  
-Sudiji za prethodno saslušanje-  
KAKANJ

Na osnovu člana 45. stav 2. tačka i) i člana 241. stav 1. Zakona o krivičnom postupku  
F BiH, p o d i ž e m

OPTUŽNICU

Protiv:

1. M. E., osuđivan,
2. S. N.,

što su,

dana 22.12.2024. godine u K., oko 03,30 sati, zajednički i dogovorno, policijskim službenicima Policijske stanice K., u svojstvu svjedoka M. E. na Zapisnik broj ..., a S. N. na Zapisnik broj ..., svjesno dali lažne iskaze vezano za događaj od prethodnog dana kada je u večernjim satima u mjestu P. u vikend-kući vlasništvo M. A., u njihovom prisustvu M. A. upotrijebio vatreno oružje pištolj iz kog je ispalio metak koji je u lijevu natkoljenicu pogodio M. Đ. i tom prilikom mu nanio laku tjelesnu ozljedu, pa iako su im bile poznate ove činjenice, na navedene zapisnike izjavili da je Đ. povredu zadobio kod spomenika u mjestu P. od nepoznate osobe, gdje su bili prisutni vršenju uviđaja, a kojom prilikom nisu pronađeni nikakvi tragovi, nakon čega su dana 23.12.2024. godine u Policijskoj stanici K. opozvali ovaj svoj lažni iskaz, te naveli kako je došlo do ranjavanja M. Đ.,

čime su počinili krivično djelo davanje lažnog iskaza iz člana 348. stav 5. u vezi sa stavom 1. i članom 31. KZ F BiH.